

# АЗБУКА ВЕРЫ




## **Акафист святому страстотерпцу царевичу Алексию**

Молитвослов 2023

# Акафист святому страстотерпцу царевичу Алексию

*Текст акафиста утвержден для употребления за богослужением и в домашней молитве на заседании Священного Синода 24 августа 2023 года (журнал № 68).*



## Кондак 1

Избранный Богом от царского рода, и на великия страдания от младенства предуготованный, агнче незлобивый, царевичу Алексею, воспеваем чистое и предивное житие твое, и с любовью и умилением взываем ти: Радуйся, святыи мучениче царевичу Алексею, земли Русския звездо пресветлая.

## Икос 1

Ангел светел земли Русской ты послан был еси в годы военных смут и в предверии безбожных мятежей, во умиление сердец русских людей, да обратят взоры свои ко Господу. Мы же, грешнии и недостойнии соотечественницы твои, в наша смутная времена ко предстательству твоему притекающи, глаголем ти сице:

Радуйся, святых родителей твоих отрасль предивная;

радуйся, плод благоуханный их молитв ко Господу.

Радуйся, луче света, озаряющая омраченныя грехми сердца наша;

радуйся, горлице непорочная, любовью своею всю Русь согревающая.

Радуйся, яко преподобный Серафим рождение твое благослови;

радуйся, яко издѣтка Господь на путь терпения ты постави.

Радуйся, святыи мучениче царевичу Алексею, земли Русския звездо пресветлая.

## Кондак 2

Видяще ангельское твоё незлобие, кротость жития и чистоту сердца твоего, наследниче престола царского, святыи царевичу Алексие, умилением исполняемся и непрестанно зываем ко Господу: Аллилуиа.

## Икос 2

Разумевше благочестивии родители твои во младенстве твоём, страсотерпче предивный Алексие, яко недуг неисцельный Господем попущен ти бысть, умножиша молитвы своя ко Господу, и твоё сердце любовью ко Творцу всяческих преисполниша и молитве теплей научиша. Темже почитая исполненное болезней и скорбей чистое житие твоё, воспеваем ти сице:

Радуйся, сокровище благодатное, земли Русской дарованное;

радуйся, святе отроче, любовью ко Господу исполненный.

Радуйся, в болезнях тяжких молитву терпеливно глаголавый;

радуйся, Русь Святую всем сердцем возлюбивый.

Радуйся, наследниче царственного отца твоего, незлобие его унаследивый;

радуйся, от младенческих пелен матерню любовь к молитве восприявый.

Радуйся, святыи мучениче царевичу Алексие, земли Русския звездо пресветлая.

## Кондак 3

Сила Вышняго укрепляше тя, егда недугом тяжким мучимый, о кроткий отроче, все упование на Господа возлагал еси и со одра страдальческаго зывал еси: Аллилуиа.

## Икос 3

Имел еси, отроче блаженне, царевичу Алексие, превелие желание, да будут вси людие русские облагодетельствованы. Темже почитающе такую чистую и святую любовь твою к народу русскому, вопием ти сице:

Радуйся, и во страданиях твоих о народе твоём неустанно воспоминавый;

радуйся, солдаты российскийския на подвиги ратныя вдохновлявый.

Радуйся, с дети солдатскими играти любивый;

радуйся, вся любовью своею одаривый.

Радуйся, от малых лет благодать Божию стяжавый;

радуйся, землю Русскую житием своим освятивый.

Радуйся, святыи мучениче царевичу Алексие, земли Русския звездо пресветлая.

## Кондак 4

Буря войны великия возколеба страны и языцы, отступиша бо людие от Бóга и пагубным страстём предашася, тёмже и земля Русская страданьми и скорбьми исполнися. Ты же, о святы́й óтроче, взира́я на гибель воинов русских, горестно болéзновал и моли́лся еси́ о спасéнии душ их ко Гóсподу, обáче взыва́л еси́: Аллилу́иа.

## Икос 4

Слы́ша о множестве раненых, увéчных и страждущих воинов русских, возвратившихся с поля брани, всем сёрдцем твоим восхотёл еси́, о предивный óтроче, облегчи́ти их страдания и скóрби, и обхожда́ше врачéбницы вку́пе с благочестивою ма́терию и сёстрами твоими, иде́же милостивым и крóтким слóвом утешáше боля́щих, калéчных и близ смёрти сущия. Мы же, дивя́щеся милосёрдию твоёму́, взыва́ем ти:

Ра́дуйся, о скорбя́щих и страждущих слéзы пролива́вый;

ра́дуйся, любóвию своёю чистую солда́т согрева́вый.

Ра́дуйся, я́ко моли́тву за наро́д и во́инство ко Гóсподу возно́сиши;

ра́дуйся, я́ко милосёрдием своим жестосёрдие на́ше умягча́еши.

Ра́дуйся, сострада́ти бли́жним от ю́ности до престаре́ния нас науча́яй;

ра́дуйся, пото́ки милосёрдия на недúгующих обильно излива́яй.

Ра́дуйся, святы́й мучениче царевичу Алексе́е, земли́ Русския звездó пресвётлая.

## Кондак 5

Боготéчней звездé подо́бен был еси́, царевичу предивне Алексе́е, егда́ со отце́м твоим святы́м, о тяжцей болéзни своёй не помышля́я, солда́т русских на поля́х сражéний неуста́нно посещáл еси́ и крéпце стоя́ти за зéмлю отéческую призывáл еси́. Онí же, сёрдцем умиля́ющеся о таце́м твоём милосёрдии и любви́ к Бóгу и достоя́нию твоёму́, благодарне взыва́ша ко Гóсподу: Аллилу́иа.

## Икос 5

Ви́девши тя, о предивне óтроче, ма́ти твоя́ святáя цари́ца Алексáндра, мужественне воéнныя тяготы́ óтчи разделя́юща и любóвию чистую всех бли́жних напо́яюща, моли́твы ко Гóсподу о тебе́ возноша́ше и всеце́ло преда́ти себé Христу́ тя предуготовля́ше. Мы же, разумёюще твоё Гóспода ра́ди подъя́тая страдания, во умилéнии взыва́ем:

Ра́дуйся, святы́м семе́йством ча́до воспитáнное;

ра́дуйся, во́инством русским дитя́ возлю́бленное.

Ра́дуйся, в любви́ к зéмному Отéчеству крóткий наста́вниче;

ра́дуйся, о спасéнии наро́да крéпкий пред Бóгом моли́твенниче.

Ра́дуйся, всех воинов ру́сских святы́й покрови́телю;

ра́дуйся, к Небе́сному Оте́честву благи́й путево́дителя.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая.

## **Кондак 6**

Пропове́дник Христо́вы любве́ ко всем лю́дям, па́че же ко скорбя́щим и стра́ждущим, всем кро́тким жити́ем своим яви́лся еси́, о предивне́ царевичу Алексе́е. Те́мже мы, любви́ тво́ей подража́ти тща́щися, про́сим у Го́спода умягчи́ти ожесточе́нныя сердца́ на́ша, да воззове́м из глубины́ души́: Аллилу́иа.

## **Икос 6**

Воссия́л еси́ чистото́ю жития́ твоего́ всей Ру́сской земли́, о царевичу кро́ткий и ми́лостивый, егда́ со смире́нием весть стра́шную об отрече́нии отца́ своего́ прия́л еси́ и главу́ свою́ на страда́ния гряду́щая смире́нно приклони́л еси́. Мы же, почита́юще тво́е а́нгельское незло́бие и всепро́щение, вопие́м ти:

Ра́дуйся, всем се́рдцем твои́м любо́вь ко Творцу́ храни́вый;

ра́дуйся, наде́жду на милосе́рдие Его́ пита́выйся.

Ра́дуйся, подо́бно му́ченицем Ве́ре, Наде́жди и Любо́ви в ру́це Бо́жии себе́ преда́вый;

ра́дуйся, святы́м Бори́су и Гле́бу в проще́нии враго́в свои́х подража́вый.

Ра́дуйся, благове́рному Андре́ю Боголю́бскому боголю́бием сро́дный;

ра́дуйся, уби́енному царевичу Дими́трию кро́тостию и незло́бием подо́бный.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая!

## **Кондак 7**

Хотя́щи честь твою́ истреби́ти, многосугу́бую же му́ку себе́ уготовля́ющи, лю́дие помраче́нии влеча́ху тя в ссы́лку я́ко а́гнца кро́ткаго, недуго́м телесным изнуре́ннаго. Оле́ глубины́ телесных и душе́вных страда́ний твои́х, дитя́ свято́е и непоро́чное! Воспомина́юще днесь сия́ вели́кия ско́рби тво́я, поём укре́плшему́ тя Го́споду: Аллилу́иа.

## **Икос 7**

Но́вый свети́льник пресве́тлый в земли́ Ру́сской яви́лся еси́, о кро́ткий ца́рственный о́троче, тьму́ зло́бы сатани́нская своим незло́бием побежда́я и богобо́рческий дух в сердца́х охраня́вших тя солда́т умягча́я. Те́мже вопие́м ти:

Ра́дуйся, любо́вию свое́ю помраче́нныя покоря́вый;

ра́дуйся, простото́ю и незло́бием их удивя́вый.

Ра́дуйся, теплото́ю се́рдца своего́ душ их косну́выйся;

ра́дуйся, милосе́рдием своим Го́спода просла́вивый.

Ра́дуйся, вся ско́рби и тяготы́ в ссы́лке тобо́льской му́жественне претерпе́вый;

ра́дуйся, вку́пе с ца́рственными роди́тели своими и се́страми о прощ́ении враго́в свои́х Го́спода моли́вый.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая.

## **Кондак 8**

Стра́нное и пресла́вное зна́мение Бо́жие ви́дим на тебе́, о страсотер́пче, ты бо отроко́м ви́флеёмским в подо́бие лик страда́лец но́вых предворя́еши и, со срóдники тво́ими о прощ́ении враго́в моля́ся, вся ве́рныя люди́ земли́ Ру́сския на страда́ния Христа́ ра́ди и восприя́тие сла́вы го́рняя благословля́еши, взыва́я всем се́рдцем ко Го́споду: Аллилу́иа.

## **Икос 8**

Всежелáнный и сладча́йший Иису́с, Егóже ты всею́ душе́ю и всем де́тским се́рдцем возлюбил еси́, всеблаже́нне царевичу Алексе́е, укрепí ты и ца́рственных срóдников тво́их на му́жественное терпéние скорбе́й и злострада́ний, от слуг сатани́нских наноси́мых. Те́мже умиля́ющесея всепрощ́ению и крóткому смире́нию тво́ему, зове́м ти:

Ра́дуйся, крест страда́ний свои́х безро́потно понеси́;

ра́дуйся, страда́ньми на Голго́фу свою́ возше́дый.

Ра́дуйся, крестнаго пути́ земли́ Ру́сския нача́ток;

ра́дуйся, испове́дническаго по́двига благоухáнный ши́пок.

Ра́дуйся, крест свой со благодарéнием нести́ нас научáя;

ра́дуйся, к подвиго́м спасéния ра́ди всех нас призывáя.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая.

## **Кондак 9**

Всяк земноро́дный, о предивне́ отро́че, ужаса́ется о страда́ниях тво́их в гонéниях, ссы́лце и мра́чном подклéте, иде́же кровь свою́ неви́нную проли́ял еси́, заклáн быв я́ко а́гнец чистей́ший. Те́мже ны́не вся земля́ стра́сти тво́я почита́ет, и Це́рковь Правосла́вная му́ченическую ко́нчину твою́ прославля́ет и, о и́мени тво́ем ликовству́я, радóстно воспева́ет: Аллилу́иа.

## **Икос 9**

Ветии́ многоглаго́ливии ра́зумом плотсќим недоумева́ют, чesó ра́ди страда́ния непорóчных младе́нцев и отроко́в быва́ют, те́мже и Промы́шление Бо́жие поно́сят. Мы же, суемуд́рия сего́ устрáняющесея, обáче та́йне смотре́ния Бо́жия дивя́щесея, вопие́м ти:

Ра́дуйся, младе́нческим незло́бием му́ченический вене́ц украси́вый;

ра́дуйся, кровь твою́, я́ко алава́стр ми́ра Христу́ принесы́й.

Ра́дуйся, седми́ Маккавеем твёрдостью души́ уподобивы́йся;

ра́дуйся, му́дре на ве́ру му́ченика Ки́рика взира́вый.

Ра́дуйся, я́ко ны, со́вестию усну́вша, от греха́ возбужда́еши;

ра́дуйся, я́ко сердца́ на́ша ожесте́вша му́ченичеством своим оживля́еши.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая.

## Кондак 10

«Спасе́ния душе́внаго взыщ́ите, лю́дие земли́ Ру́сския, Го́сподеви покая́ние серде́чное принес́ите, о пользе́ бли́жняго поради́те, о ни́щих и больны́х попе́чьтеся», — взыва́ет святы́й о́трок из вы́си небе́сныя, иде́же со Ангелы́ Бо́жиими и все́ми святы́ми поёт непреста́нно песнь Бо́гу: Аллилу́иа.

## Икос 10

Стена́ еси́ кре́пкая и по́мощь предивна́я всем и́щущим спасе́ния, святы́й му́чениче царевичу Алексе́е, наипа́че родите́лем, скорбя́щим о ча́дех своих, в боле́знях и гресе́х пребыва́ющих. Те́мже, о смире́нный и дивны́й путевождю́ отроко́в и дев, обу́реваемых страстьми́ ве́ка сегó, с ве́лиим упова́нием на заступле́ние твоё вопие́м ти:

Ра́дуйся, о́троче чисте́йший, ча́да от скве́рны серде́чныя огражда́й;

ра́дуйся, а́гнче премилосе́рдный, ю́ныя на пу́ть крóтости и милосе́рдия наставля́й.

Ра́дуйся, ю́нче, чу́ткий ко страда́нию бли́жних, о́троки сострада́нию науча́й;

ра́дуйся, а́нгеле моли́твы све́тлый, в ча́дех моли́тву о ста́рших возгрева́й.

Ра́дуйся, насле́днике ве́рный отца́ твоего́, насле́дники почита́ти родите́ли своя́ науча́й;

ра́дуйся, сы́не ве́рный земли́ Ру́сския, сыно́в и дще́рей люби́ти Оте́чество вразумля́й.

Ра́дуйся, святы́й му́чениче царевичу Алексе́е, земли́ Ру́сския звездó пресве́тлая.

## Кондак 11

Пе́ние смире́нное и усе́рдное приими́ от нас, о му́чениче святы́й царевичу Алексе́е, не отри́ни нас греше́сных и недосто́йных, во гресе́х и жестосе́рдии погрязших, но услы́ши благосе́рдно моле́ния на́ша и принеси́ я ко Престо́лу Го́спода Вседержи́теля, да с ра́достью поём Ему́: Аллилу́иа.

## Икос 11

Све́том благода́ти Бо́жия от рождéния озаре́нный, возше́л еси́ я́ко лучеза́рный А́нгел к Триипоста́сному Све́ту, пред Ни́мже предсто́я и а́нгельскую пе́снь воспева́я, испроси́ нам заблуждшим, о гресе́х своих скорбя́щим, прегреше́ний на́ших прощéние и страсте́й

искоренение, да в чистоте сердечней воззовем ти:

Радуйся, теплото духовная, нашу хладность согревающая;

радуйся, лампадо неугасимая, мрак жизни нашея просвещающая.

Радуйся, светлая луче Божественного света, весь мир оживотворяющая;

радуйся, пламени святей, к духовней жизни нас возгреваяй.

Радуйся, жертво непорочная, жертвенней любви нас научающая;

радуйся, верное чадо Отца Небеснаго, от мудрования земнаго ны возвышающее.

Радуйся, святей мучениче царевичу Алексие, земли Русския звездо пресветлая.

## Кондак 12

Благодатныя слезы покаяния и сердечное воздыхание о гресех испроси нам у Господа, о святей угодниче Божий, царевичу Алексие, да очистим сердца своя от злобы, похоти и гордаго равнодушия, да отвратимся от душепагубных страстей, убивающих души наша, да обратим очи свои ко Господу и воспоем Ему: Аллилуиа.

## Икос 12

Поем добродетельное и чистое твое житие, святе отроче, почитаем ангельское незлобие и лучезарную любовь твою, славим страдания и мученическую кончину твою, юже претерпел еси вкупе со сродники и верными слуги твоими от рук злодеев лютых, слуг сатанинских. Темже прилежно зовем ти:

Радуйся, Господеви верно послуживый;

радуйся, свет и соль земли Русския бывый.

Радуйся, добродетелем отца и матери подражавый;

радуйся, вкупе с ними в радость Господа вшедый.

Радуйся, сонму новомучеников и исповедников земли нашея сопричтенный;

радуйся, агнче краткий, в жертву чистую Господеви принесенный.

Радуйся, святей мучениче царевичу Алексие, земли Русския звездо пресветлая.

## Кондак 13

О мучениче Христов, царевичу Алексие, жертво непорочная, земли Русския звездо пресветлая и о людех печальниче! Приими от нас сие пение молебное и ходатай о нас пред Господем буди, да во дни наша лукавья, безверием и братоненавидением, гневом и развратом, и прочими тьмочисленными грехи исполненныя, пребудем мы в вере святей и любви, в смиренномудрии и терпении, да вечнаго мучения избавльшися, воспоем Спасителю нашему: Аллилуиа.

## Молитва

О святы́й мучениче царевичу Алексіе, любве ко Господу и ближним учителю, ангельскаго незлобїа хранителю, мученическаго мужества носителю! Предсто́я у Престо́ла Пресвяты́я Троицы, испроси́ нам, малове́рным и малоду́шным, нелицеме́рную ко Господу и к ближним нашим любóвь, дѣтское незло́бие и глубо́кое ко страждущим сострада́ние, наипа́че же мужественное терпе́ние болѣзней и скорбе́й, за грехи́ на́ша от Господа нам посыла́емых. Молитвами твоими да сохрани́м мы любóвь ко Господу и к Матери Цѣркви, да не утра́тим ве́ру правосла́вную, да не дро́гнут ду́ши на́ша в годину лю́бых искуше́ний, гоне́ний и муче́ний, да не убои́мся мы зло́бы сатани́нския, да́бы, претерпе́вше вся испытáния, чи́стыми нам предста́ти пред Госпо́дем, Бóгом и Спа́сом на́шим Иису́сом Хри́стом, Ему́же подобáет всякая сла́ва, честь и поклонѣ́ние со Безнача́льным Его́ Отце́м и с Пресвяты́м Ду́хом, ны́не и при́сно, и во ве́ки веко́в. Ами́нь.